

Director di Biblioteca sra. Astrid Britten:

Yamada di Biblioteca Nacional pa devolve e bukinan di examen cu studiantenan a fia

ORANJESTAD (AAN)

— Den entrevista cu director di Biblioteca Nacional, señora Astrid Britten, el a bolbe haci un yamada na studiantenan cu a fia bukinan pa Examen, y esaki extensivo pa nan mayornan, pa por fabor trece esakinan back na Biblioteca.

Señora Britten ta pidi e studiantenan cu ta bay si-

gui estudio den exterior pa entrega e bukinan aki, pa e otro studiantenan cu lo mester di nan den e aña escolar nobo, tambe por haci uso di nan.

Sra. Britten a indica cu si nan ta laat trece e bukinan back sin cu nan mester paga multa, basta nan por haya e material back pa otronan por use.

Director di Biblioteca a menciona cu semper ta keda algun buki cu nan no ta haya mas, pa un of otro motibo nan no ta wordo treci back y ni pa mas cu por cumpra nan back nan no ta disponible mas pasobra nan a sali for di circulacion y tin biaha esaki ta net e bukinan di examen cu tin mas demanda.